

سجال أجيال

احنا جيل الستينات
وانتوا جيل الخمسينات
اتولدنا فوق دماغكوا
فوق دماغنا السبعينات
واللى فاتوا واللى لسه
واللى عايش واللى مات
جيل تعبنا لما شبننا
عشنا ننحت أمنيات
عشنا نكبة وعشنا فرحة
فترة عدت فيها عثرة
فرحة تمحى المبيكيات
عشنا نصره فوقتنا
صحت الأحلام بحالها
من سبات

احنا جيل الستينات
فوقنا كل تنبوءات
كنا قبل الديك ما يصحى
كنا قبل الصبح نصحى
نكتب الأحلام روضة
نرسم الأحلام لوحات
جيل بذاته اتحدى ذاته
الصعاب بتدوب فى ايده
شق فجر الأمنيات
سابق الريح العتية
زى جيل الخمسينات
لسه فينا العزم جامد
فجر صادق للممات
زى أجيالنا العزيزة
بالغريزة

عمر ما بنقبل هزيمة

استكانة أو مهانة

احنا جيل الستينات

عشق راشق فى الجينات

وانتو جيل الخمسينات

واللى سابق واللى لاحق

كله حالف تبقى عالية

تبقى غالية

تفضلي تنك عزيزة

لو فداكى الكل مات